

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Svpplementvm Tertiæ Partis

Thomas <von Aquin, Heiliger>

Romae, 1619

Vtrum filius illegitimus possit legitimari? 3

urn:nbn:de:hbz:466:1-38817

289
ca. 1. quæ
filij sive
legit. S.
ult. iust.
de nupt.

Vtrum filius illegitimus possit legitimari?
AD tertium sic proceditur. Videtur, quod filius illegitimus non possit legiti mari. Quantum enim distat legitimus ab illegitimo tantum e conuerso illegitimus a legitimo. Sed legitimus numquam fit illegitimus. Ergo nec illegitimus vñquam fit legitimus.

¶ 2 Præterea, Coitus illegitimus creat illegitimum filium. Sed coitus illegitimus numquam fit legitimus. Ergo nec filius illegitimus legitimari potest.

SED contra; Quod per legem inducitur, per legem reuocari potest. sed illegitimatis filiorum est per legem positivam inducta. Ergo potest filius illegitimus legitimari ab eo qui habet auctoritatem legis.

RESPONDEO dicendum, quod filius illegitimus potest legitimari, non ut fiat de legitimo coitu natus, quia coitus ille transiuit, & nunquam potest fieri legitimus, ex quo semel fuit illegitimus. Sed dicitur legitimari, in quantum damna quæ illegitimus filius incurrit, subtrahuntur per legis auctoritatem. Et sunt sex modi legitimandi. Duo secundum Canones †, scilicet cum quis ducit in uxorem illam, ex qua filium illegitimum generavit, si non fuit adulterium; & † per specialem indulgentiam, & dispensationem domini Papæ. Quatuor autem alii modi sunt secundum leges. Primus est, si pater filium naturale curia Imperatoris offerat: ex hoc enim ipso legitimatur propter curia honestatem. Secundus, si pater in testamento nominet cum legitimum heredem, & filius postmodum testamentum Imperatori offerat. Tertius est, si nullus sit filius legitimus, & ipsem filius seipsum principi offerat. Quartus est, si pater in publico * instrumento vel cum trium testium subscriptioac eum legitimum nominet, nec adiiciat naturalem.

Ad primum ergo dicendum, quod alicui potest sine iniuria gratia fieri, sed non potest aliquis damnificari nisi pro culpa: & ideo magis potest illegitimus fieri legitimus, quam e conuerso. Et si est legitimus,

† cap. 1. c.
vanta, &
6. per ve-
nerabilē
extra qui
filij sint
leg.
* ibidem
5. 13.

*Al. instru-
mento.*

timus, aliquando hæreditate priuatur pro culpa: non tamen dicitur illegitimus filius, quia generationem legitimam habuit.

Ad secundum dicendum, quod actus illegitimus habet defectum intra se inseparabilem, quo legi opponitur; & ideo non potest fieri legitimus. Nec est filius de filio illegitimo, qui non habet huiusmodi defectum.

S V P P L E M E N T I
T E R T I A E P A R T I S
P R I M I V O L V M I N I S
F I N I S.